

愚

齋

存

稿

愚齋存彙卷第五十六目錄

電報三十三

周玉山方伯寄 行在軍機中堂電

周方伯來電

峴帥來電

北京陳京兆夔龍來電

寄 行在軍機處

寄峴帥

寄 行在軍機處

峴帥來電

寄蘇撫聶中丞蘇藩陸方伯

常州惲菴帥來電

寄惲菴雲中丞

峴帥來電

滇撫李仲仙中丞經羲來電

寄峴帥

又

峴帥來電

寄行在王中堂

寄行在軍機處

寄蘇撫聶仲帥

李中堂來電

又

寄北京慶親王李中堂 行在路礦總局王中堂

峴帥來電

寄峴帥

寄江甯劉峴帥蘇州聶仲帥安慶王灼帥南昌李勉帥

峴帥來電

常州惲中丞來電

寄 行在軍機處甯鄂川粵督帥蘇杭皖撫帥

寄 行在鹿滋軒尙書

安慶王灼棠中丞來電

粵督陶方帥來電

寄陶方帥

行在鹿尙書來電

峴帥來電

寄 行在軍機處

李中堂致榮中堂電

寄蘇藩陸春江方伯

寄 行在軍機處

寄 行在軍機處北京全權大臣

寄北京胡芸楣侍郎

寄浙撫任筱帥

寄西安升中丞陝西振捐局

北京徐晉齋侍郎來電

袁慰帥來電

寄慰帥

香帥來電

慶親王李中堂來電

張香帥來電

惲菰耘中丞來電

寄北京柯道鴻年鄭道孝胥

李中堂來電

寄峴帥香帥

寄劉峴帥

峴帥來電

寄李中堂

又

寄北京慶邸

又

峴帥來電

惲中丞來電

又

太原岑中丞來電

寄粵督陶方帥

寄岑雲帥

寄北京慶邸

陶方帥來電

峴帥來電

寄 行在王中堂



寄峴帥

峴帥來電

寄袁慰帥

寄周玉山方伯

袁中丞來電

寄 行在王中堂

寄袁慰帥

寄各省督撫帥

寄 行在榮中堂

香帥來電

寄 行在王中堂

王中堂來電

寄劉峴帥張香帥

寄北京外務部

順德王中堂來電

寄王中堂

順德王中堂來電

北京外務部來電

寄北京外務部

寄北京榮中堂

保定袁宮保來電

北京王中堂來電

寄直督袁慰帥

寄廣州陶方帥

外務部來電

香帥來電

峴帥來電

寄香帥

寄峴帥

寄浙撫任中丞

目錄終

愚齋存彙卷第五十六

電報三十三

周玉山方伯寄 行在軍機中堂電

光緒二十七年六月十五

日

和議將畢聯軍漸撤臣民仰望 回鑾七月十九  
之期萬無改理惟水陸兩路供張毫未料理全權  
已歷次電達此事但隨 上意早降電 旨直東  
豫三省便可預備所苦者直隸境內房屋不敷無  
論走河間走磁州皆須添造遲則萬來不及千求  
請 旨速定至直隸土匪本不過數百人現經姜

呂各軍擊散惟高粱長成易於竄匿現經覆諭請紳士幫同勸散其賠教款最多之州縣及瘠苦之區應給津貼卽匪類釋械歸農內有無業可歸者并應撫卹善後振捐開辦數月僅收二十餘萬而軍餉迫索已挪去數萬善後百事待舉左支右絀無論矣今請全權戶部奏請撥二百萬斷不可少如若 恩准各州縣仍須撤教案款約百萬兩之譜只得再由覆設法倘此二百萬不發民怨煩興匪必難滅官亦坐困後患難防急切呼籲務乞奏懇不勝惶悚

周方伯來電

六月十六日

回鑾由正定乘車進京添車一倍又聞路工纔到新樂趕得及否又滹沱橋前允八月內造成此事如誤大不得了又正定至京須分兩站如車上妥備宿房則中途免下車然保定仍須預備車上伙食請公辦直隸廚房萬趕不上又前門外下車須備碼頭車站或辦黃幄諸事望公速來籌畫

峴帥來電

六月十六日

現已切電全權並各駐使分別轉商矣德國近正推廣商務自應早撤滬兵以定人心仍望相機熟

商爲禱

北京陳京兆夔龍來電

六月十七日

回鑾百官接 駕各使郊迎須有寬廠地段始敷  
設立棚座安置車馬之用邸相議在天橋左近惟  
查係津榆之路非由保路接軌不能假道應如何  
通融接軌使兩路聯爲一氣全仗盡籌預先佈置  
庶 蹕路經由諸事有所遵循台駕能早來京尤  
盼祈電復

寄 行在軍機處

六月十九日

十六日寄全權電信十八轉京德領事接德使電現在

各使推舉德英法日四使辦理末次和約稿將以前至今所議准各事包括訂成一約章照此情形和約數日便可議妥和局便算大定等語謹聞

寄峴帥 六月十九日

諫電已交德總領事閱過據稱兵房係木造舊年已由德國運來今安成屋樣豈有以木屋能長住者乎大概末次和約一定即可議撤云

寄 行在軍機處 六月二十二日

各國願關稅估足值百抽五並免稅各貨酌量照征係去年第一議所加無多於釐金毋庸撤併自可先行照



辦有益無損如將來欲我撤併釐金似非照去年第二  
議正子加倍值百抽十五不可似須請全權預留地步

峴帥來電

六月二十三日

克約二十四來談挖沙事前裴稅司條陳議約曾  
論及此大意現收船鈔僅敷燈塔浮樁之用應言  
明由中國自聘洋人事仍自主經費不敷可另增  
船鈔曾先後電咨全權此時船鈔有無餘款及議  
增抽船鈔估抽洋稅皆非外間所能商議撤兵事  
呂電云德外部允電穆查看再定李電云日外部  
允爲商英全權如何商辦迄無復電

寄蘇撫聶中丞蘇藩陸方伯

六月二十六日

頃接惲菰帥函稱十八九日江潮漫溢武進江陰沿江田畝二百里內一片汪洋死者無算逃出者亦枵腹露立生機已盡現已首先倡捐攜帶麵餅前往急救先開粥廠惟常紳魄力小必須求官創助等語鄙見必須修築隄圩保衛田畝不特救人且於錢糧有益弟當會商菰帥一面倡捐伏求迅派幹員前往查勘救護萬民感戴

常州惲菰帥來電

六月二十七日

電敬悉公義聲震天地此其一端而桑梓蒙福不

淺矣翼捐洋一千元心弟季申舍姪合捐一千元  
我兩家爲之倡大眾或亦慨然解囊也春江方伯  
電飭縣中同府籌款不敷由司撥給等語今早已  
函致撫藩請先行撥款俟紳捐接續而上不至中  
斷信稿明日寄上請再切實加函爲禱公擬勸何  
志霄捐洋五千元留辦災振事其夫人允再加一  
千深明大義此舉與何君大有益何在滬否望切  
勸之俟定局後將公呈寄滬由我公函致仲帥或  
會弟銜亦可二十五已將災情詳達築圩爲費最  
大振米施粥次之總須數萬元方能了結仍求廣

爲集腋萬民頂祝

寄憚菰雲中丞

六月二十八日

頃接蘇撫藩沁電宥電悉前聞被災卽電飭武陽兩縣  
籌款撫卹並允撥款刻又派委往勘武邑請委勘稟亦  
到惟救災宜急不宜遲擬先將上年省中買存積穀酌  
撥二千石由縣派船來蘇裝運撥錢二千串備修圩以  
工代振之用乞轉致菰帥云除電謝外望速告縣中派  
船裝運務宜做到以工代振乃有實惠

峴帥來電

七月初三日

現有洋人援開平礦及北京陝省公司湖北公司

請開礦照礦路局章不准洋人開礦該三礦公司  
因何改歸外人及現在如何辦法陝省湖北原辦  
何人尊處當知原委乞詳細查示爲禱

滇撫李仲仙中丞經義來電

七月初三日並致劉  
峴帥張香帥余摺帥

王灼帥

償款四百五十兆磅息並計約耗千兆借款既擔  
保無人的款又遽難籌付勢將以鹽釐常稅抵押  
奪操財政大局更不可爲籌思再四惟抽丁口稅  
一項眾擎易舉合我中國官民全力三年還清償  
費請免科息便益實多法蘭西地不加多既能行

其大者於喪敗之後我中國十八行省詎不能行  
其微者於危窘之時且丁稅歷代有之 國朝併  
入田畝有名無實西洋各國丁稅極重歲以爲常  
民無離叛我行其最輕而暫者豈竟遽失人心計  
中國丁口四百兆孤貧老廢待養無依寬除一百  
兆核給待稅票免稅但有行藝可執力能謀食者  
均按丁歲收常稅錢四百文男女並計以二百兆  
約計歲收錢八十兆幼丁十歲以下減半以五十  
兆約計歲收錢十兆官商紳富以資產商業多寡  
核分等次列收優稅幼丁不減除顯宦巨賈情殷

報効加等不計外其餘同居男女親丁按丁照倍  
稅收優稅上等照常稅加五倍中等照常稅加三  
倍下等照常稅加一倍截長補短約計丁口五十  
兆抵常稅丁口一百六十兆之數歲收錢七十兆  
定限收稅三年卽行停止常優並計共入錢四百  
八十兆找債有盈無絀常稅按丁僅日收錢一文  
有零上等優稅按丁僅日收錢六文有零些小節  
省卽可供備惟天下無無弊之法所慮稅不累民  
而弊足擾民能立善法以稽收不能得善人以經  
理貪夫庸類無不憚嚴法者果能出以毅力明定

必行之嚴法各省均劃一遵辦不稍因循誅譴豪  
蠹不過數人餘皆奉法矣中國頑民固多良善豈  
少頒行痛切 詔書剖明危迫情勢非如此則國  
不安貧者不能食力富者不能保業借資民力保  
國仍以衛民再將舉辦章程登載謄黃通行張貼  
昭信解惑不擾卽辦若慮教民洋傭恃抗先與各  
國議准費出華民款爲彼得揆之情理當無阻撓  
倘以此狐疑又恐重大難舉舍而不用另籌按年  
償款則惟食鹽加價房屋捐印花稅三項核實妥  
辦歲亦可得千餘萬金然房捐印花稅迹近煩瑣行



之不善亦與丁稅同其擾累食鹽加價固無所謂  
擾惟陋規雜捐不除內外私銷不絕舊行加捐病  
下勒索捐課稅契積習太深官吏固結此弊不除  
印花稅難望暢行房捐暫收較易但不與各國議  
明江海口岸房屋恐半託洋旗教產較之丁稅尤  
易藉口若取舍不公民怨胥作矣經義欲於久暫  
二策擇便奏聞未審孰當事關全局不敢冒昧謹  
電請訓示遵行

寄峴帥

七月初四日

頃接京冬電各使今日已將大約畫押第八條毀京師

至海口沿途有阻暢路各礮台詞氣尙通融黃浦河工  
章程除第二十七條外其餘各條稟商各領上加南洋  
大臣字樣以正中國主倡之意俟全權明日電奏草約  
原文奉 旨批准後即可與各使會同簽押云

又七月初四日

開平全係華股開辦張燕謀忽與洋商訂約攬入洋股  
居多名爲華洋合辦實已喧賓奪主逮傳相知之責令  
廢約而已無及僅將直隸全省礦務一條勉強撤除自  
此洋商覬覦礦產將欲一網打盡湖北大冶鐵礦宣必  
拚命自保昨聞滿德帶礦師赴鄂將有求於鄂帥似尙

未成陝省必無此事政務處密電敝處籌議礦務鄙見似宜以開爲守方能抵制洋人容擬數條先呈酌核但能各省同心何難保此膏沃若一處放鬆則處處全裂矣惟公圖之

峴帥來電

七月初五日

礦爲外人開辦內地大利全失但外人垂涎必多要求公能設法商保實大局之幸以開爲守誠屬良法第如開平尙有此意外後謀自開安得有如許可靠之人思之可慮昨有洋人名辛博悌者請辦鎮礦當飭長道執章力阻稟內敘明裴稅司知

其人乞公密探底蘊爲禱

寄 行在王中堂 七月初七日

此時遷就俄約恐有洩漏各國翻腔不如暫緩俟公約全定再議琴軒到滬密談意見相同

寄 行在軍機處 七月十二日

真電昨夜已轉全權似所請均已照准禁運軍火擬稿初八電計早達聞美日使向慶邸言如畫押遲延有兩三國蓄謀藉口變卦不可不防此閒洋報亦頗有謠言可否將禁運軍火 諭旨卽由電發全權電奏總結條款候 旨方能畫押呈覽後如已核准望速請 旨飭

令畫押仍由電傳以免驛遞延誤大局李傅相初六後  
病勢甚劇近日稍愈

寄蘇撫聶仲帥

七月十六日

總和約奉 旨畫押餘姚奉 旨照例議卹 慈聖

尙憶兩徵不出有餘愠云

李中堂來電

七月十七日

樞電已令畫押但未奉 明旨得弟電促臂助良  
多現校對約本各使俟初六兩 明諭到定期畫  
押兄氣體如常承念感荷

又七月十九日

皖災太重協振計窮鄉人函電如織勢難漠置北  
洋局所前存紗廠各款本既久懸息又拖欠務求  
速提二萬兩交張楚寶赴皖散放該款多係淮軍  
欠餉以此濟淮情理交盡弟素任俠款又應還無  
論如何爲難幸勿推諉減數感盼

寄北京慶親王李中堂 行在路礦總局王中堂  
日

磁州臨城兩礦去年原議擬歸盧漢公司開辦現今路  
工漸進開平已非我有煤與路相鈎連斷不可爲他人  
捷足務求留意容再妥議章程呈請核定

峴帥來電

七月二十一日

滬洋兵前因英德尙難議撤當分電羅呂商外部  
並電李伍託外部商英德嗣呂復德允電穆使查  
看情形再定羅復英允先撤千人餘相機續撤頃  
伍復請外部轉勸現英回音如滬平安兵允撤德  
亦云然云滬甚平安望相機力商爲禱

寄峴帥

七月二十一日

電 旨頃已轉京和約卽日畫押滬洋兵商撤遵當力  
商惟英德頗相持難免互諉昨與美總領事古納商酌  
現在大西洋領事回國古納係上海領袖總領事擬請

鈞處照會領袖將和約已定上海平安請各國公商將所駐洋兵全行撤退以安人心而維商務此件可交敝處代送乞鈞裁

寄江甯劉峴帥蘇州聶仲帥安慶王灼帥南昌李勉帥  
七月二十三日

頃美英總領事面稱長江一帶水災已電商美國擬將晉振餘款赴沿江災重處放振請詢尊處何處災重應得振者約若干眾以定捐款查從前黃河決口各國紳商捐助鉅款敝處派人眼同放振極其真切於災民有益無損宣告以放振宜擇貧苦不宜分民數又宜專放



江邊不必入內地該領首肯請卽查明最重處並人數  
電示

峴帥來電

七月二十四日

漾電具徵英美救災恤鄰厚誼此次水災雖廣均在沿江尤以贛皖爲最重江甯以下以泰興爲最圩破屋塌小民蕩析離居雖已飭屬擇要酌放急振至今積水未消民難歸集是以各屬尙難查齊人數英美如欲派人放振應請先行告知所至地方各官以便預派安人同往照料並代達謝忱

常州惲中丞來電

七月二十四日

姚到函悉何志霄公呈二十三匯寄與我公意旨  
相同常郡紳富於鄉關切膚之痛每多視若秦越  
其甚者慳囊勉解造謠泄忿人心風氣如此可爲  
浩歎昨見新聞報所載甚將寶令心弟詆毀好在  
敝處無一畝沙田且此次凡沙田撫恤均責成各  
業主料理不動官項之章卽係心弟所定與所言  
全屬相反寶公眞強項吏目爲趨附均不值一笑  
鄙意辦此等救命事方寸最樂不邀譽而得毀功  
德尤大公意如何

寄

行在軍機處甯鄂川粵督帥蘇杭皖撫帥

七月二十五日

京電各使商定本日午初公約畫押自畫押之日起十日內京兵除護使館外全數撤退十五日內自直省撤退云

寄 行在鹿滋軒尙書

七月二十六日

馮道敷高傳詢京城鐵路已否收回仰見盡慮周詳莫名欽佩查京城至保定鐵路盡被拆毀今春派員收回修復並已趕緊接造至正定城外約一月內可竣工近發大水新樂橋工稍壞已飭趕修直豫電線亦已展造齊全惟京津榆鐵路非宣所屬仍爲洋兵佔踞開平則已全屬洋人此次巨禍凡權利所在彼族力爭宣惟有

竭盡心力保守而已因蒙垂詢用敢密陳

安慶王灼棠中丞來電

七月二十七日並致劉峴帥

復電謹悉陶翁來函英德法美日五國總領事均願集資派人來皖助振一國倡議諸國朋從並函致各口岸領事一體勸募救災恤鄰雖出各總領事之美意然非賴二公善爲商導豈易致此實與億萬饑黎同深感戴矣來函四十餘萬之說想係合長江統籌於此閒工振實可大資補助造福非淺先復鳴謝

粵督陶方帥來電

七月二十八日

思齋不彙 卷五十六 三  
屢承電示感甚謠傳俄約不改遼東不歸有勸力  
爭者恐爭亦無益究竟如何乞示粵人洋人求築  
隄岸者多請飭張道速來

寄陶方帥

七月二十八日

遼約不能無雖責成李相商減尙無把握二十五公約  
畫後李相又病俄事尤非他人能辦大咨比法請辦省  
梧鐵路省至佛山三水在美約內務請留意張道昨赴  
烟台中秋來粵隄岸務求稍待免滋後累

行在鹿尙書來電

七月二十九日

蘆籌力保權利佩甚蘆漢鐵路交還如尙有洋兵

節節防護似宜請傳相飭馬提派勇一律換防爲  
妥愚見請酌

峴帥來電

七月三十日

函鈔件悉撤兵事得古領相助當必有濟德人較  
難就範仍仗兄相機羈縻贛南鎮何明亮 旨渾  
言照單所擬應得何項處分祈速查示爲禱傳相  
患恙甚念弟患胃逆現化瘡委頓已極請假一月  
祇賞十五日而病勢未減勢難如期銷假奈何  
寄行在軍機處

七月三十日

本日

懿旨已轉京京電李中堂二十五赴日署畫

押後痰多神疲不思飲食醫云體虧不敢用重劑今早食稀飯一碗神氣轉清云

李中堂致榮中堂電

八月初二日

東電感悉賤體自去冬來常有不適但時發時愈此次自二十三感冒後痰欬大作日夜不止眠食俱廢米漿數日不能入口現欬稍減痰漸稀稍進米飲而精神委頓異常不能坐立昨蒙天心眷注賞假調理此臣子欲言而不敢言者感激零涕俄約暫不暇議姑俟異日特肅復謝

寄蘇藩陸春江方伯

八月初三日

停捐自降 旨日起限一箇月內截數咨部日期只能  
二月底爲止秦晉歸墊務求速辦逾限恐難報部

寄 行在軍機處 八月初四日

伍使冬電美總統初二早薨逝請電 旨致唁乞轉樞  
府並慶邸傅相云查洋報麥總統深得民心是日全國  
震動該國照例總統任未滿出缺應由副總統攝政英  
皇已電致駐美使臣向副總統羅斯福行弔唁禮詞云  
總統爲全球有名之人今被無知之人所害朕躬甚爲  
軫惜云宣謹轉

寄 行在軍機處北京全權大臣 八月初五日



東京那大臣歌電國禮已送交日主已覲見杉山彬已致祭祈轉電樞垣代奏並達全權云宣謹轉

寄北京胡芸楣侍郎

八月初六日

聞九城內外四十里擬安設德律風以達姜馬諸軍最爲有益前因外人覬覦有礙電報權利二十五年冬奏准德律風悉歸電局辦理現設軍線例應官還若交洋人代辦誠恐從此效尤特派工程委員黃開文進謁可否卽委該丞辦理乞示

寄浙撫任筱帥

八月初十日

溫線若由甯台海邊設造恐有事必被拆毀現擬由蘭

溪金華處州展至溫州內地較易保護惟山路崎嶇須沿途採木以免遠運去年土匪拆毀太多北方催造尤急商力甚窘奈何

寄西安升中丞陝西振捐局

八月初十日

江電已轉行遵辦惟外洋捐照勢必爲難似只能先截銀數電達戶部總使冊報不逾所載之數填照不逾所限之期庶嚴限制而不失大信是否乞示

北京徐晉齋侍郎來電

八月十二日

昨英薩使謁相請奏派大員在滬會訂商務條約並內河行小輪及加稅等事相允以公任其事一

兩日英使卽有照會此事固非大才不辦也

袁慰帥來電

八月十三日

世凱自遭大故疾病閒作神智惛瞶精力日頽殊  
不足復膺艱鉅現在假期屆滿權衡進退實形維  
谷第 聖恩高厚倚畀甚殷又值 鑾輿未還大  
局未定而轄境黃河兩次告決姑不敢瀝陳下情  
現力疾銷假於本月十二日接署撫篆知注謹聞

寄慰帥

八月十六日

和局雖已大定新政雖已肇端東三省未還俄德兩王  
新盟交固英派員到滬會議商約後事步步艱窘惟盼

公與諸老支撐宣固無能爲役

香帥來電

八月十七日

敝處與端中丞請迎 駕尙未奉 旨容再達

慶親王李中堂來電

八月十八日

頃英薩使照會請派大員會同該國政府派出之  
辦事大臣印度政務副堂馬凱協辦大臣英館漢  
務參贊戈頒及督辦英商老公茂公司德貞商辦  
通商行船各條約及更改進口稅則各事宜已電  
奏請派執事爲辦理商稅事務大臣令上海造冊  
稅務司戴樂爾漢口稅務司賀璧理隨同辦理賀

璧理條陳加稅事宜與執事所見略同必能稍資  
臂助執事前年曾來京議辦加稅於一切商稅情  
形早已胸有成竹此次駕輕就熟定能救弊補偏  
除將賀璧理條陳鈔寄外合先奉達

張香帥來電

八月二十三日

效 旨號電均讀長才熟手定能裨益大局愚意  
如有一得當奉陳備采

惲菴耘中丞來電

八月二十五日

詳函敬悉賤體委頓萬分尙難出門已切託節署  
友人詳陳委曲密請說定萬不能少之數轉此而

子俟得回音卽當飛布小圃又傳述摯意不勝銘  
感極難題曰非有極大力量難得佳文我公才智  
必能了之加以兩帥商榷無待鄙人贊畫且金革  
奪情尙不背於大義而清議仍不能恕若非兵事  
而遽釋衰經又於大局絲毫無補負國負親負友  
徒冒天下之不韙亦公所不取也勞玉初精於算  
學核辦稅則正所專門且著有約章繫要請虛衷  
延訪之必能竭誠匡助

寄北京柯道鴻年鄭道孝胥

八月二十八日

香帥沁電比國人在漢口日本租界下購地一片屢訛

作爲租界惟查閱送來地圖有鐵路線一道橫穿其左查漢口各國租界毗連均視得近鐵路爲格外利益今鐵路直穿比人地段各國定必譁然況英領事會云爲中國計鐵路所經及兩旁之地亦必須全歸中國自主則有事時鐵路之權方能全操自我等語所言亦甚有理務望查明鐵路將來經過何處詳晰示復以便斟酌如果鐵路實係經過比人所購之地能改道否如必不能改則比人之地斷不能作爲租界也祈速復云卽望鄭道速查明近日情形繪圖立說一面函復一面稟知督帥並望柯道詢明沙多務照帥意傳諭遵辦卽復

李中堂來電 九月初二日

此閒議俄約毫無洩漏電過滬竟有員司妄傳小  
田切專喜刺探此於各國各省皆無干涉其人串  
通東南造謠生事春初前車可鑒宜慎防之

寄峴帥香帥 九月初二日

頃接傅相冬電此閒議俄約毫無洩漏電過滬竟有員  
司妄傳小田切專喜刺探造謠生事宜慎防等語意甚  
刺怪敝處如鈞處有所敷陳務求留意免使敝處爲難  
至感至懇鄙見現議四條於目前時勢亦不過如此德  
俄交密英日力不足乞鈞復



寄劉峴帥

九月初三日

惲菰帥冬電駐常江防營係我公電懇峴帥撥來常郡  
城鄉賴以鎮攝團練不成祖翼曾有此營爲此聞安危  
所繫求公始終維持之語頃縣中說據杜雲秋云將調  
江防營回甯官民大恐刻下振務尙在開辦各鄉餘匪  
未靖倘竟調開旦夕慮有事端已切電峴帥籲請免調  
未知允否務求我公卽刻加電備述危迫情形鼎言所  
陳必可操券盼切禱切云所陳皆實務求宮保俯允暫  
留該營以資鎮攝合郡同感

峴帥來電

九月初三日

上月二十八日日本領轉來署使電知各節核與  
昨函示之件相符與尊處固渾不相涉亦非由小  
田切探得之信四條流弊想明眼人必已鑒及日  
自去冬迄今凡未謀定及力不能辦之事無論如  
何商詢從不肯輕下斷語李使濛電想公已見彼  
旣云 回鑾後津撤兵卽可詰俄撤兵苟非商定  
豈可遽作此語俄不慮此亦何必亟亟復允刪改  
續約此更不待智者而知且日旣因欲保東方大  
局竭力籌謀如我許俄有礙東方局面竊恐今日  
之助我者將轉而責我公於此中機宜考究有素

事關大局幸有以教之盼禱

寄李中堂

九月初四日

此次奉辦商稅苦無幫手黃花農頗精細可以補宣懷  
粗疏之處如蒙我師恩允卽當電奏暫調來滬想津權  
不致無替人也鵠盼鈞示宣因意國索造浙路事今晚  
赴浙面商

又

九月初四日

沈道迭電焦棘情形力求回滬聞倉場與江浙交相怨  
謗沈道喫力不討好新漕過解每石虧一斗餘遷怒商  
局賠米尤不得了中堂原令糧道會同交倉而江浙深

內撥充民船大小不一停聚過多勢不得不略爲分別  
九租界沿浦及對過東岸漲灘不少凡有華洋商人  
侵佔未立道契者應由理船廳會同會丈局員丈明畝  
分按照業主時值繳價由上海道補給道契管業云宣  
謹轉

又九月初四日

峴帥支二電議開淤淤實出滬上一二好事西商之意  
英欲藉此侵權德欲謀分商務上海更無專界是以協  
而謀我其實商情甚不謂然卽法美日各使先未深考  
今已知誤三國領事均密允暗阻現因律師担文赴薩

使之招已託其切說薩使惟空言商改勢有所難應請  
告以如照改章辦理當由中國歲增籌銀十萬兩以爲  
轉圜之地明知費絀然關係甚鉅但能挽回事權并免  
田稅多費亦所不惜全權不便言鈞處爲外務總樞事  
有格礙仍可據情理與商且令詢滬上西商尤徵爲俯  
順商情起見務祈力行主持轉商如蒙俯允并求迅速  
電示以便分託暗阻至增籌十萬係專爲改章轉圜地  
步彼若不允照改我亦不認增籌統祈相機商酌不勝  
感禱宣謹轉

峴帥來電 九月初六日並致惲菴帥

據杜道稟復另調左營來甯原駐常郡一營暫緩  
調動惟江勝軍現照政務處所議改爲常備軍必  
須合紮操練勢難分防仍望常郡貴紳將城鄉民  
團速爲辦成以輔官力之不足爲禱

惲中丞來電

九月初七日

接峴帥魚電江勝營已允緩調頃已復謝公再發  
電周旋爲要防營勢難久駐而民團無款不易辦  
成現在辦振之際更形棘手已告知府縣設法矣  
又九月初十日

各屬練軍兵制皆已悉改警察軍與早聞蒸電所

述奏案又不同而公則一語中肯畢竟眼明手快也請再致峴帥云接輝電已將帥電傳示府縣暨辦事各紳務須設法將民團速辦而官紳總以經費難籌爲言及閱帥諭分撥警察軍難遽周密仍賴民力相輔等語人心又覺鼓舞可否代請帥示常郡准予撥派警察軍確數餘由官紳趕緊籌款將民團湊足蓋人少則費省籌集較易也

太原岑中丞來電

九月初十日

煊擬延一精通華語之日本農司並購治旱田器具及書籍來晉農司約歲需薪水若干易於覓否

書器約需價若干均懇轉電駐日星使示復爲感  
我公維持大局必不責其瑣瀆也

寄粵督陶方帥

九月十二日

頃奉慶邸文電美使函稱漢粵鐵路歸美商承辦附近  
鐵路之礦產商允歸該公司開採立有合同聞近日粵  
督允法比公司於此路附近一帶造路開礦實與合同  
不符等因前據粵督文稱比法公司請造由廣東省城  
至梧州鐵路法領事謂法使商之本署及李相均以爲  
可行其實並未允准不得以可行二字援以爲據而經  
過佛山三水實與美約第十七款不准爭奪生意同向



並行各節有礙應由貴大臣轉致兩公司自行與美熟  
商以期並行不悖否則明告比法公司設法讓出此路  
以息爭端而弭後患是爲至要等因查美國合同先經  
政府核准伍使畫押昨接美電將來開辦斷難悔議比  
法公司未知何人出首敝處似難與商應請尊處設法  
轉致以泯爭端

寄岑雲帥

九月十三日

公所籌農司及治旱田農具可謂扼要以圖不勝佩服  
已轉電李木齋查復惟農司未必通華語卽用一通事  
亦不難

寄北京慶邸 九月十四日

比法公司僅自粵督商辦並未至鐵路總公司議及亦  
未知比法係何人出首已電詢粵督請由粵設法轉致  
若來總公司自當遵諭開導

陶方帥來電 九月十五日

昨奉慶邸文電已函達法領事轉致法比公司將  
經過佛山三水之路自與美華公司熟商或另行  
設法

峴帥來電 九月十八日並致惲中丞

變法須貫串一氣若只變一二節則動多窒礙巡

警軍應統酌制兵人數餉數刻難遽行定議民團  
輔官不逮爲目前要務祈敦勸速辦爲禱

寄 行在王中堂

九月二十日

外部任重難勝老親尤難久離如有以爲言者求勿

上聞

寄江鄂粵督帥浙皖東撫帥

九月二十日

傅相昨夜咯血半盂洋醫謂胃血管破再吐難治服藥  
後幸未再吐惟頭眩氣弱恐難卽愈外部徐侍郎今早  
痰疾出缺慶邸已起程

寄峴帥

九月二十一日

前日見德使詰以撤兵事穆云未知各國如何答以英  
法日只看德樣穆云法未必然答以法不撤惟我是問  
劉宮保去年至今始終如一若滬兵不撤似無情理商  
務亦有礙穆云租地板屋暫駐可知滬兵總比津兵先  
撤可放心云彼由鄂赴甯請帥面催當可允又詰挖河  
事穆云慶邸未提答以到甯帥必相商挖河兩益但須  
保我主權

峴帥來電 九月二十四日

漾電感悉滬兵各國爲德牽留此時必須與德商  
撤俟穆來必當面催卽開河事亦當與之相商遇

機仍望兄相助商辦爲盼

寄袁慰帥

九月二十七日

傅相昨日兩點鐘不能言神氣恍惚病勢甚危北門鎖鑰微公莫屬齊魯替人四顧爲難公自思之

寄周玉山方伯

九月二十七日

沁電已分轉師相騎箕爲天下痛爲大局憂直省善後惟公是賴明日當有詔旨宣竟不及到京一訣惟有北望痛哭而已

袁中丞來電

九月二十七日

傅相今午已出缺痛甚俄約未定天津未還須宿

望如劉陶奎者馳往料理凱衰病餘生神智委頓  
斷難當此且一去而齊魯必亂又如奉天奉齊均  
失直何能支無益大局且有大損斷斷非計請公  
熟思萬勿再議至叩

寄 行在王中堂

九月二十七日

傅相在滬告宣曰和局定我必死竟若前知痛敬惟俄  
約未定天津未還直督一席慰庭頗負眾望接其感電  
有衰病餘生難勝此任且一去而齊魯必亂奉齊均失  
直何能支無益大局且有大損等語現在商約亦喫重  
各國政府均派人來宣責有攸歸值此時艱不敢旁諉

愚齋存藁

卷五十六

卷五十六

宋

愚齋存藁

惟西人最勢利商務大臣既出缺若再另簡勢必難辦外而輕視內而掣肘皆可慮也

寄袁慰帥

九月二十八

遺大投艱望孚中外安帥繼任仍可歸公調度知人則哲朝政大有轉機不僅爲畿疆慶也何日交卸乞示寄各省督撫帥

九月二十九日

周玉山方伯豔電開傳相十九由俄使館歸頗悶嘔血大碗病廁猶視事二十六早危急覆戍到京呼之猶應二十七日午手已涼目不閉覆等呼曰未了事我輩可了請放心去猝口張目動遂瞑傷哉二十八辰已殮等語

宣轉

寄 行在榮中堂

十月初一日

德使穆默來滬詰以津兵不撤是否因俄事穆答德俄  
交固必無此心他國則不得而知查從前俄德兩主盟  
會膠旅乃失今又盟會其心叵測將來山東進佔可虞  
慰帥謂東奉若爲他人有直亦難存誠哉此言慰帥去  
後德必生心地方稍有蠢動德兵必藉口代勦張安帥  
熟悉東事諒能蕭規曹隨惟該省須留勁旅安內服外  
必有堅定宗旨威信足以孚外人方能化大爲小化有  
爲無可否籲懇 天恩俯念山東一省關係南北樞紐



特降 諭旨暫歸直督兼轄乞鈞裁

香帥來電 十月初七日

前沃電擬暫借洋債墊明年上半年賠款或七百餘萬或五百餘萬一年還銀行是否肯應如奉旨允借須何項抵押爲妥台端盡慮精詳必有妥策祈籌示

寄 行在王中堂 十月初九日

賤恙冬溫邪熱漸減濕痰未淨蒙注極感倘病痊尙未封凍必應勉力北行已派孫鄭馮柯四道恭辦 大差妥備 上用輪車各物鈞駕過正求訓示已飭該道等

如期接送

王中堂來電

十月十五日

回鑾甚有游移姑聽後命勿卽首途

寄劉峴帥張香帥

十月十七日

願諫電扼定全權指明四款立論請減三成根據分明  
皆步步踏實之言度戶部必當轉商赫德但恐總稅司  
向來不肯以活動未曾收到之款作爲抵借耳

寄北京外務部

十月二十一日

近日洋報內載英國欲商請各大端內有洋船任便駛  
行內港一條聞上年有某使向鈞署商請洋船駛行不

通商口岸之事未知如何駁復請查明如有此案乞將  
來往文件迅速鈔示美國沙使已到滬英專使亦已在  
途矣

順德王中堂來電

十月二十三日

尊恙想已全愈當能如期銷假無任馳念 回鑾  
雖有初四之說然未見 明諭總不算數但望天  
和氣暖黃河不致冰凍俾 六飛穩渡北歸斯爲  
天下臣民之幸兄今日在順德午尖二十六准抵  
正定沿途氣體健適勿念

寄王中堂

十月二十三日

聞鈞駕二十六到正花車接慶邸後因回鑾期近已  
進廠改修僅派頭等專車恭迓歉仄之至瀛眷十九新  
裕赴津派馮志先隨船照料黃道等塘沽接送當可放  
心賤恙冬溫兩候幾至不起近尙欬喘勢難北上輪車  
已派孫道柯道鄭道馮道等恭備一切已飭面稟

太后 皇上御車後似須掛頭二等車數輛抑與御車  
緊接應否請示樞廷宣二十七假滿擬不續假英美議  
商約專使已到滬卽須力疾開議應否將派員恭備輪  
車差使自己不能迎扈具摺專奏乞鈞示

順德王中堂來電

十月二十四日

今午在順德發漾電後接禡電誦悉英美使既到  
便須開議自可據實陳明未能北上具摺似太遲  
竟用電奏可也 御車後自以各掛頭二等車數  
輛爲合當就所見與孫道等面商妥協其餘一切  
必須隨時請示樞廷方妥敝眷北行承逾格關垂  
心感之至兄今晚宿內邱二十六必到正定初四  
回鑾雖未見 明諭確已傳 旨當無游移矣  
北京外務部來電 十月二十五日

福公司援晉豫合同請由澤潞開至襄陽鐵路前  
經咨達台端與該公司商議公司旋請改道浦口

並不願向尊處就商迭經本部據約斥駁現英使允與貴處商酌惟須先允造至浦口登二十四年十一月貴處與怡和洋行議修浦信鐵路已定草約五條旋復翻議現福公司所請由澤潞修至浦口之路與怡和原議取徑略同如怡和前約果能作罷似可與福公司接商卽希統籌電復以便轉復英使

寄北京外務部 十一月初一日

向來鐵路以煤礦爲命源盧漢綿長開平已歸洋股購  
運斷難久恃前經李文忠面商臨城有奏准皖人鈕郎

中所開煤礦現無資本願歸盧漢開辦已經宣懷帶領  
總工程司沙多面見文忠公與奉 旨准辦之礦主鈕  
郎中三面議定祇因拳亂尙未接辦本年七月深恐外  
人覬覦以撓自有權利特電咨全權王大臣 行在路  
礦總局大臣聲明磁州臨城兩礦去年原議准歸盧漢  
鐵路開辦現今路工漸進開平已非我有煤與路相鈎  
連斷不可被他人捷足等語呈明在案頃聞有劉文治  
者附會招搖與法人擅議臨礦殊不知臨礦早已議歸  
盧漢鐵路公司自辦豈能被他人攘奪如法使前來照  
會應請貴部切實拒復以維大局

寄北京榮中堂 十一月初二日

頃奉電 旨特賞崇銜 天恩高厚皆由元老噓培曷  
勝感悚賤恙漸愈尙未復元本應赴正定迎駕適英美  
所派商務大臣議約專使已到滬催促開議只得力疾  
會陪次第商籌正定車路均已布置妥貼已派道員四  
人先往恭辦可期無誤除電奏外諸乞關垂至感至禱  
保定袁宮保來電 十一月初二日

由正定北上火車聞樞廷頗慮價貴費鉅惟 回  
鑾大差薄海慶幸執事素抱公忠想必悉數報効  
尙望核復恭賀宮銜大喜



北京王中堂來電

十一月初三日

兄二十八到京眷口二十九到京一切煩神感甚  
閱電鈔欣諭榮膺宮銜非勤勞上契天心曷克  
臻此賀賀連日往各館拜會以了禮節隨後便可  
商辦公事聞此次尊恙頗劇現幸就痊仍宜格外  
珍衛

寄直督袁慰帥

十一月初五日

懋賞逾分辱賀愧謝離防仍收半費統由北洋核算已  
飭局暫行照辦但恐各處援例現造津滬海線及修展  
直豫口外各線籌借洋債一百九十餘萬全仗報費拔

還應如何分別使各處不能援例乃深感荷

寄廣州陶方帥 十一月初五日

頃接美公司總董巴森士電粵漢鐵路股本集成不日  
便須開工築造請咨明貴國政府及各督撫等語除咨  
外部外查張道振勳洋總工司李治齋圖赴粵計已面  
謁請飭速將碼頭棧站應用地段乘冬令水涸圈填就  
緒以免美人到粵另有藉口至紉公誼

外務部來電 十一月初十日

頃接美康使照稱本國國家特派沙爾德會同中  
國特派辦理商稅事務之大臣商辦修改進口商

稅條約事宜沙大臣想已至上海等語希查照

香帥來電

十一月十七日

德商攬辦漢口德律風敝處卽飭關道函阻應歸  
電報局兼辦已咨達冰案頃准大咨知已派日員  
來漢開辦與電報合爲一局辦法極是深合鄙意  
惟所用日員是否係尊處募用月給薪水蓋我僱  
工師承辦則可若歸日商攬辦則日猶德也想蓋  
慮早已籌及祈速示

峴帥來電

十一月十七日

嚴紳等請奏撥秦晉振餘十餘萬兩辦江儀隄工

昨電飭程運司稟復亦以地段綿長請准予奏撥以濟要工查此項振餘既係秦晉之款究竟能否照數奏撥爲江儀隄工之用祈卽酌核示復爲盼

寄香帥

十一月十八日

德律風所募日員訂有合同給以薪水與電報初創時所僱丹國工師同一辦法非由日商攬辦合同卽鈔咨寄峴帥

十一月十八日

秦晉振餘確有應解之款但奏撥十萬只有六萬餘如鈞處定准奏撥乞示以便由敝處先商仁和以免戶部掣肘

寄浙撫任中丞

十一月二十六日

昨爲五忠電奏請 旨昭雪從優褒卹頃已奉 旨飭

部咨行尊處查明該故員等子嗣官職必有 恩典可

否請鈔電先行查明俟部文一到卽可咨復電文如下

本日軍機處片交吏部奉 上諭原任戶部尙書立山

兵部尙書徐用儀吏部侍郎許景澄內閣學士聯元太

常寺卿袁昶該故員等子嗣幾人有無官職著吏部迅

卽咨行內務府鑲紅旗滿洲浙江巡撫查明詳復欽此

愚齋存彙卷第五十六